

Vi ste ovdje: [Početna](#) ▶ [Vijesti](#) ▶ [Vijesti 122](#) ▶ Bilten za 23.09.2024. godine



▼ Menu

[HOME](#)[OGLASI](#)

- [KONKURSI](#)
- [JAVNE NABAVKE](#)
- [ZAVRŠENE JAVNE NABAVKE](#)

[VIJESTI 122 I SAOPĆENJA](#)[AKTUELNO](#)[GRAĐANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva bilten

Septembar 2024						
Po	Ut	Sr	Ce	Pe	Su	Ne
26	27	28	29	30	31	1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	1	2	3	4	5	6

Pregled vijesti 122



▼ Bilten za 23.09.2024. godine

🕒 Objavljeno utorak, 24 Septembar 2024 08:45
👤 Klikova: 188

JAVNI RED I MIR

Na području Zeničko-dobojskog kantona javni red i mir je narušen u devet slučajeva.

U navedenim događajima intervenisali su policijski službenici i protiv počinitelaca preduzeli zakonom predviđene mjere i radnje.

KRIMINALITET

Zenica

Dana 23.09.2024. godine, u 02,10 sati, u ulici Fakultetska, od strane lica S.H. (1996.) iz Zenice, izvršeno je krivično djelo "Posjedovanje i omogućavanje uživanja opojnih droga". Prilikom pregleda od strane policijskih službenika kod istog je pronađen sadržaj biljne materije koja asocira na opojnu drogu, bruto težine 2,10 grama. Pronađena materija je oduzeta, a lice lišeno slobode i zadržano u prostorijama za zadržavanje.

Dana 23.09.2024. godine, oko 02,55 sati, u ulici Dr. Abdulaziza Aska Borića, od strane nepoznatog lica izvršeno je krivično djelo "Teška krađa" u trgovinu elektroničke robe "Tehno Mag". Tom prilikom otuđen je sat marke "Samsung" i mobilni telefona marke "Samsung". Izvršen je uviđaj od strane policijskih službenika Odsjeka kriminalističke policije Policijske uprave I.

Dana 23.09.2024. godine, u 17,15 sati, u ulici Bulevar Kralja Tvrtka, od strane lica B.R. iz Zenice, izvršeno je krivično djelo "Oštećenje tuđe stvari", na način da je kamenom oštetio vjetromotorsko staklo na putničkom motornom vozilu, marke "Fiat", vlasništvo J.B. iz Zenice. Izvršen je uviđaj od strane policijskih službenika Odsjeka kriminalističke policije Policijske uprave I.

Kakanj

Dana 23.09.2024. godine, policijski službenici Policijske stanice Kakanj su od lica Š.M. (1982.) iz Kaknja oduzeli nelegalno vatreno oružje-pištolj, marke "Bereta" cal.7,65 mm. Policijski službenici Policijske stanice Kakanj nastavljaju daljnji rad na dokumentovanju krivičnog djela iz člana 52. Zakona o nabavljanju, držanju i nošenju vatrenog oružja i municije ZDK.

U toku noći 22/23.09.2024. godine, u ulici Rudarska, od strane nepoznatog lica izvršeno je krivično djelo "Oštećenje tuđe stvari" i to putničkog motornog vozila, marke "Peugeot" vlasništvo S.A. (1991.) iz Sarajeva. Tom prilikom oštećena su sva vrata na vozilu u vidu parnika. Izvršen je uviđaj od strane istražitelja Policijske stanice Kakanj.

Dana 23.09.2024. godine Policijskoj stanici Kakanj je prijavljeno da je u posljednjih mjesec dana u mjestu Gornji Lučani, od strane nepoznatog lica izvršeno krivično djelo "Teška krađa" u kuću vlasništvo firme "NUR Bosna" d.o.o. Visoko. Tom prilikom iz kuće je otuđena veš mašina, ventilator i TV marke "Vivax". Izvršen je uviđaj od strane istražitelja Policijske stanice Kakanj uz upoznavanje dežurnog tužioca.

Zavidovići

Dana 23.09.2024. godine, oko 11,40 sati, u ulicama Prvomajska i 8. Mart, od strane lica P.A. (1982.) iz Zavidovića, izvršeno je krivično djelo "Ugrožavanje sigurnosti", upućivanjem ozbiljnih prijetnji prema D.N. (1966.) i Š.V. (1948.), obe iz Zavidovića. Lice P.A. je lišeno slobode i zadržano u prostorijama za zadržavanje. Policijski službenici Policijske stanice Zavidovići su nastavili daljnji rad na dokumentovanju krivičnog djela uz upoznavanje dežurnog tužioca.

Maglaj

Dana 23.09.2024. godine, oko 11,25 sati, u mjestu Moševac, od strane lica A.I. (1958.) iz mjesta Moševac, izvršeno je krivično djelo "Oštećenje tuđe stvari", tako što je metalnim čekičem oštetio betonski zid, vlasništvo A.E. (1990.) iz Moševca. Izvršen je uviđaj od strane istražitelja Policijske stanice Maglaj uz upoznavanje dežurnog tužioca.

Dana 23.09.2024. godine, oko 14,40 sati, ispred zgrade općine u Maglaju, od strane nepoznatog lica izvršeno je krivično djelo "Oštećenje tuđe stvari" i to putničkog motornog vozila, marke "Audi", vlasništvo F.F. iz Maglaja. Tom prilikom nastala su oštećenja na desnoj strani vozila. Izvršen je uviđaj od strane policijskih službenika Policijske stanice Maglaj.

Tešanj

U toku noći 22/23.09.2024. godine, u mjestu Trepča, u krugu firme "Hajrić Promet" vlasništvo H.Z. (1971.) iz Tešnja, od strane nepoznatog lica izvršeno je krivično djelo "Teška krađa". Tom prilikom iz teretnog motornog vozila, marke "Man" su otuđena dva akumulatora, oko 100 litara pogonskog goriva, te registarska tablica, iz radne mašine "JCB" otuđen je akumulator i 100 litara pogonskog goriva, dok je iz radne mašine viljuškar otuđen akumulator. Takođe je otuđena vibro mašina, tzv. "žaba", kompresor zraka, aparat za zavarivanje, fleks mašina, marke "Iskra", dvije maske za zavarivanje i razni alat. Izvršen je uviđaj od strane istražitelja Policijske stanice Tešanj uz upoznavanje dežurnog tužioca. Policijski službenici Policijske stanice Tešanj nastavljaju daljnji rad na dokumentovanju krivičnog djela i otkrivanju počinioca ovog krivičnog djela.

U toku noći 22/23.09.2024. godine, u mjestu Novo Selo, na gradilištu koridora V-c, od strane nepoznatog lica izvršeno je krivično djelo "Teška krađa" iz radnih mašina "Liebher" i "Demper", vlasništvo firme "Rial" d.o.o. iz Tešnja. Tom prilikom su iz mašina otuđena 2 akumulatora i oko 200 litara pogonskog goriva. Izvršen je uviđaj od strane istražitelja Policijske stanice Tešanj uz upoznavanje dežurnog tužioca.

Žepče

Dana 23.09.2024. godine, u 12,50 sati, dežurnom policijskom službeniku Policijske stanice Žepče obratio se D. M. (1964.) iz Žepča i prijavio krivično djelo "Ugrožavanje sigurnosti", počinjeno od strane nepoznatog lica, na način da su njemu i njegovoj porodici putem telefona upućene ozbiljne prijetnje. Policijski službenici su zaprimili navedenu prijavu uz upoznavanje dežurnog tužioca, te nastavili daljnji rad na dokumentovanju krivičnog djela.

BEZBJEDNOST SAOBRAĆAJA

Na području Zeničko-dobojskog kantona dogodilo se devet saobraćajnih nezgoda u kojima su dva lica zadobila lakše tjelesne povrede, dok je na vozilima pričinjena materijalna šteta.